



UNIVERSITÄTS-  
BIBLIOTHEK  
PADERBORN

**IVRIS CANONICI|| SEV PONTIFICII|| PARTITIONES,||**

**Grégoire, Pierre**

**[Frankfurt], 1595**

**VD16 G 2996**

5 De delictis quæ comittuntur a clericis post susceptos ordines in ministerio & exsecutione eorum.

---

[urn:nbn:de:hbz:466:1-63677](https://nbn-resolving.org/urn:nbn:de:hbz:466:1-63677)

f *Vel alii, quibus episcopus committit. c. unico, A 2* *Castigatio clericorum & monachorum de scrutinio in ordine facien.*

g *c. si quis, 16. q. 1.*

h *c. monachi, 16. q. 1.*

CAPVT. IIII.

1 *De ordinatis ab intrusis.*

2 *Et simoniace.*

- 1 **O**rdinati in super ab intrusis vel vitiose electis praelatis, pro non ordinatis habentur, a quemadmodum & beneficia amittunt, qui ea acceperint a suspenso, qui non seruauerit sententiam interdicti summi Pontificis, b
- 2 **O**rdinans autem per pecuniam simoniace deponendus, ordinatus vero, dignitate carere debet, & mediator seu proxeneta talis ordinationis, si clericus sit, proprio gradu cadere, si monachus aut laicus, anathematizari debet, c

SCHOLIA.

a *ca. fin. 19. distin. quicquid enim ab illis fit, omnino cassatur, can. alienationes, 12. q. 2.*

*ca. omne, 25. qu. 1. Quando videlicet qui ordinant, deteguntur non fuisse episcopos, quia tunc constat nullum potuisse ab illis insigni characterem, ca. Daibertum, 1. quaestio. 7.*

b *c. si. de excessib. praelator. c. quia diuersitatem, de concess. praben.*

c *c. 8. si quis episcopus, 1. q. 1. Quamuis enim proxeneta in aliis negotiis non improbenitur, ut in l. fin. de Proxenet. lib. 50. P. tit. 14. tamen in spiritualibus, proxeneta, & intercessores reprobantur, cum oriur suspicio simonia.*

**DE DELICTIS, QUAE**  
committuntur a clericis post susceptos ordines in ministerio & executione eorum.

TITVLVS V.

CAPVT I.

1 *De custode ecclesie peccante.*

2 *Castigatio clericorum & monachorum cuius sit.*

3 *De custodia eucharistiae & chrismatum.*

**P**ost susceptos ordines, clerici in illis pluribus modis peccare possunt & puniri, veluti custos ecclesie, si negligens in officio sit, ab Archidiacono coercetur, ut se emendet, & si indomitus remanserit, denuntiatus episcopo, ab ecclesia deiciendus est, & alius in locum eius subrogandus. a

Castigantur & libere magister clericorum, inter se delinquentes clericos, & abbates sibi subditos monachos. b

Cum chrisma autem & eucharistia debeant sub firma custodia clauibus adhibitae conseruari, ne possint ad illa temerariae manus extendi ad aliqua horribilia, aut nefaria exercenda, si is ad quem spectat custodia, ea incaute reliquerit, tribus mensibus debet ab officio suspendi, & si peius incuriam aliquid nefandum contigerit, grauiori debet subiacere ultioni. c

SCHOLIA.

a *c. 1. de offic. custod. lib. 1. tit. 27.*

b *cap. 1. & 2. de sentent. excommun. cum similib.*

c *c. 1. de custodia eucharistiae, lib. 3. tit. 44.*

CAPVT. II.

*De sacerdote detegente confessionem.*

**P**eccat sacerdos detegendo confessionem sibi factam, quamobrem si eius, qui sibi confessus est, peccata recitet aut propinquis aut extraneis, deponi debet, & omnibus diebus vitae suae peregrinari, a & hodie in arctum monasterium ad agendam poenitentiam detrudi. b

SCHOLIA.

a *cap. sacerdos, 2. de poeniten. dist. 6. idipsum & in c. omnis utriusque sexus, de poeni. & remissio. ubi & additur, poenam eandem inferri presbytero non tantum si verbo, sed etiam si signo detegat confessionem.*

b *dist.*

**b** *dist. c. omnis utriusque, §. fin. de poenitent.* Ratio, quia sacerdos non dicitur scire peccata confessa tanquam homo, sed tanquam Christus, cuius vices gerit. *c. si sacerdos, de offic. ord. c. significasti, de adulte.* Et quia secreto sibi ea commissa sunt, non debet pro- palare, sed celare, *ca. de forma, 2. qua. 5.* Et proinde etiam si sub sententia excommu- nicationis iniungatur ab episcopo, ut qui- cunque tale crimen sciverit, revelet, non tenetur is qui sub sigillo scit confessionem **B** revelare, ut notat gloss. ad *ca. sacerdos, de poenitent. dist. in. 6.* quia qui ita scit non de- bet dici sciens. *ca. presbyter, 15. q. 5.* Inno- centius tamen ad *dist. in. c. omnis utrius- que, de poeniten.* & remissio. notat posse sa- cerdotem revelare peccatum sibi confes- sum, si illud sui committendum, & hoc ut peccato obvietur. pro quo & gloss. in *ca. ve- rum, 13. dist. in. etiam si inquit iuraverit tenere secretum, quod tamen non posset fa- cere in delicto iam consummato, sic glossa ad c. tuanos, 26. ad verb. qualiter, de spons. innuit, posse confessorem praebere testimo- nium de confessione pro impedimento ma- trimonii, quod alioquin contraheretur. Notat & Iason. ad leg. 1. §. huius studii, quod si quis confiteatur sacerdoti, se de- sponsasse quandam mulierem per verba de presenti, quod is poterit revelare, ut matrimonium consummetur, quod ipse de- **D** negabat consummare, idque ut evitetur pec- catum.*

## CAP. III.

- 1 De delictis presbyterorum in nuptiis secun- dis benedicendis.
- 2 Prohibitis admittendis.

**S**uspenditur † & ab officio & beneficio, mittique debet ad sedem apostolicam, sacerdos, quem constiterit benedictionem nuptiarum cum secunda vxore celebrasse. **E**  
<sup>2</sup> Suspenditur † & parochialis sacerdos, qui post impedimentum obiectum, pro- hibitas coniunctiones reiicere contem- serit, & regularis quilibet, qui eis præ-

sumserit interesse, suspendetur per trien- nium ab officio, gravius & puniendus, si culpe qualitas postulaverit; is quoque, qui taliter permiserit in gradu etiam concessio clandestine copulari, poenitentia condi- gna debet castigari. **b**

## SCHOLIA.

- a** *cap. 1. de secundis nupt. libr. 4. tit. 21.* quod tamen qui recte illud explicant intelligunt, de eo, qui benedixit vel coniunxit cum se- cunda vxore cum, qui iam aliam habebat prima vxore. Alioquin enim quamquam peccent, qui benedixerint secundas nuptias contra *c. 3. de secund. nupt.* tamen non ita graviter peccant, ut ab officio & beneficio suspendi debeant, & mitti ad summum pon- tificem, sed alia poena, quae erit episcopo ar- bitraria, cum alia certa non sit iure in eos definita, erunt puniendi, quamvis Hostien- sis teneat contrarium, & ei videatur sub- scribere Panormitan. ad capit. 1. de secun. nupt. quam ego non sequerer, sed ad mi- tiorem inclino sententiam, cum in inter- pretatione legum poena sint potius mollien- da quam exasperanda, & maxime in du- biis. l. interpretatione, l. respiciendum, de poenis. P.
- b** Hac omnia probantur in *c. si. §. fin. de clan- destina desponsa. libr. 4. tit. 4.* subuenitur ta- men hodie clandestina desponsationi per dispensationem episcopi, concilio Tridentino permittente ex causa.

## CAPVT IIII.

De non baptizante commenda- tum.

**Q**uicumque presbyter in provincia pro- pria vel in alia, vel vbiunque inuen- tus fuerit, commendatum sibi infirmum baptizare noluerit, vel pro intentione iti- neris, vel de aliqua alia excusatione, & sic sine baptismo moriatur, deponi debet. **a**

## SCHOLIA.

- a** Ex concilio Martini, in can. quicumque, 22. de consecr. dist. 4.

Xxx

## CAPVT V.

*De accipientibus oblationes prohibitas, & de sepelientibus prohibitos sepeliri.*

**C**lericus, qui a manifestis usurariis oblationes acceperit, aut eos Christianæ tradiderit sepulturæ, quæ acceperit restituere cõpelli debet, & donec ad arbitrium episcopi sui satisfecerit, manere ab officii sui executione suspensus. *a* Indicta & pœna similis pro raptore impœnitente, & non restituente rapta, ne ecclesiastica persona eius sepulturæ interesse, vel eius elemosynas accipere audeat, & si fecerit ordinis sui damnum, irrecuperabiliter patiatur, & ecclesiastico beneficio careat. *b* Sed & generaliter in concilio Viennensi, hi qui propria temeritatis audacia defunctorum corpora, non sine contentu clauium ecclesiæ, in cœmeteriis interditi tempore, in casibus non concessis a iure, vel excommunicatos publice, vel usurarios manifestos scienter sepelire præsumunt, ipso facto excommunicationis sententiæ subiacent, a qua non absoluntur, priusquam ad arbitrium diœcesani episcopi, eis quibus fuerit iniuria irrogata, satisfactionem exhibuerint competentem, non obstantem quocunque priuilegio. *c*

## SCHOLIA.

*a* *ca. quia in omnibus, 3. de usur. libr. 5. tit. 19. respicit enim ecclesia elemosynas ex alieno: sunt & alia rationes de quibus diximus, libr. 1. supra, de oblationibus, tit. 23. nec debemus accipere elemosynas ab illis, cum quibus viciis non communicamus licite, ca. 3. 24. qua. 1. Item ne ecclesia accipiendo, videatur peccatum usurarum, ex quibus oblatio fit, approbare, quas contra reiciendo detestatur, quemadmodum de eo, qui ab ecclesia eripuit hominẽ, dicitur, in ca. 8. miror, 17. qua. 4. reicienda etiam censet a sacerdotibus ecclesia, munera, quæ ab oppressoribus pauperum sunt, ca. oblationes, 2. §. 1. 90. distinct. li. quo, nec mor-*

**A** *tuaria ab iisdem accipi debet, nisi is, a quo prohibentur accipi, pœnitens mortui fuerit, ut ait Hostiensis. in cap. a nobis, in 2. sic incipiente, 28. de sentent. excomm. qua. & pro ipso sit orandum. cap. 2. 24. qua. 10. 1. cap. quacunque, 11. qua. 3. contra si non fuisset pœnitens. capit. fin. 86. distinct. vide glossam ad clem. 1. ad verba, eis quibus, de sepultur. Rursum quod pertinet ad prohibitionem sepultura usurarii manifesti, sic concludit, usurarius manifestus excommunicatus est. & excommunicatus ante absolutionem sepultura denegatur ecclesiastica, c. sacris, 12. de sepultur. libr. 3. tit. 28. dicimus autem & quibus denegatur sepultura ecclesiastica supra. lib. 1. tit. 15. de sepulturis sub finem. Denegatur autem pluribus sepultura ad exemplum, & emedationem aliorum utique a talibus criminibus committendis in posterum reuocentur, ut notat glo. ad c. 2. de raptorib. gloss. ad c. 1. de torneamentis.*

**b** *c. 2. de raptorib. libr. 5. tit. 17.*

**c** *Exstat decretum concilii Viennensis, in clem. 1. de sepultur. libr. 3. tit. 7. hinc autem glossa ad verbum, scienter, requirit, antequam ipso facto ob predicta quis sit excommunicatus, ut sciuerit interdicitum vel excommunicationem, vel manifestos esse usurarios, quos sepeliri facit & c. significauit, & c. cum desideres, de sentent. excomm. c. 2. de heret. in Sexto.*

**D**

## DE DELICTIS CLERICORUM CIRCA CELEBRATIONEM MISSÆ.

## TITVLVS VI.

## CAPVT I.

*De presbytero interdicto, suspensio, vel excommunicato ministrante.*

**P**eccant in ministerio sacerdotii presbyteri in sacrosancti sacrificii missæ celebratione, ideo & distinctæ pœnæ illis pro